

Član 49.
(Prestanak važenja)

Danom stupanja na snagu ovog zakona prestaje da važi Zakon o muzejskoj djelatnosti ("Službene novine Kantona Sarajevo", br. 2/00 i 7/05).

Član 50.
(Stupanje na snagu ovog zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-11861/17 22. marta 2017. godine Sarajevo	Zamjenik predsjedavajuće Skupštine Kantona Sarajevo Sabahudin Delalić, s. r.
---	---

Na osnovu člana 18. tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo, na sjednici održanoj dana 22.03.2017. godine, donijela je

ZAKON

**O IZMJENI I DOPUNAMA ZAKONA O ORGANIZACIJI
I DJELOKRUGU ORGANA UPRAVE I UPRAVNIH
ORGANIZACIJA KANTONA SARAJEVO**

Član 1.

(Izmjena djelokruga Ministarstva prostornog uređenja, građenja i zaštite okoliša)

U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12 - Prečišćeni tekst, 41/12 i 8/15), u članu 8. stav (1) riječi: "i poslovi stambene inspekcije", brišu se.

Član 2.
(Dopuna člana 11.)

U članu 11. postojeći tekst označava se kao stav (1) i dodaju se novi st. (2) i (3), koji glase:

- "(2) U sastavu Ministarstva unutrašnjih poslova je Uprava policije.
(3) Uprava policije je policijski organ, koji vrši policijske poslove propisane zakonom i ima operativnu samostalnost."

Član 3.
(Dopuna u članu 20.)

- (1) U članu 20. stav (2) iza tačke d) dodaje se tačka e) koja glasi: "e) inspekcija za hranu;" , a dosadašnje tačke od e) do n) postaju tačke od f) do o).
(2) U članu 20. stav (2) u tački g) u zagradi, iza riječi: "urbanističko-građevinska inspekcija" dodaju se riječi: "stambena inspekcija".

Član 4.
(Usklađivanje Pravilnika o unutrašnjoj organizaciji)

U roku od 30 dana od dana stupanja na snagu ovog zakona ministar unutrašnjih poslova, ministar prostornog uređenja, građenja i zaštite okoliša i direktor Kantonalne uprave za inspeksijske poslove dužni su uskladiti pravilnike o unutrašnjoj organizaciji sa djelokrugom poslova izmijenjenim i dopunjenim ovom zakonom.

Član 5.
(Preuzimanje inspektora, arhive i dokumentacije i sredstava rada)

U roku od 15 dana od dana usklađivanja pravilnika iz člana 4. ovog zakona Kantonalna uprava za inspeksijske poslove dužna je

preuzeti stambene inspektore, arhivu, dokumentaciju i sredstva rada stambene inspekcije od Ministarstva prostornog uređenja, građenja i zaštite okoliša.

Član 6.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-11862/17 22. marta 2017. godine Sarajevo	Zamjenik predsjedavajuće Skupštine Kantona Sarajevo Sabahudin Delalić, s. r.
---	---

Na osnovu člana 117. Poslovnika Skupštine Kantona Sarajevo ("Službene novine Kantona Sarajevo", - Drugi novi prečišćeni tekst, broj 41/12, 15/13, 47/13, 47/15, 48/16), Skupština Kantona Sarajevo, na sjednici održanoj dana 22.03.2017. godine, donijela je

ODLUKU

**O DAVANJU OVLAŠTENJA ZA OBAVLJANJE
FUNKCIJE SEKRETARA SKUPŠTINE
KANTONA SARAJEVO**

I

Ovlašćuje se Almira Kulovac Šetkić, dipl. pravnik da obavlja funkciju sekretara Skupštine Kantona Sarajevo.

II

Imenovana sa obavljanjem funkcije sekretara Skupštine Kantona Sarajevo počinje sa danom 03.03.2017. godine, od kada imenovanom teku sva prava i obaveze po osnovu obavljanja funkcije.

III

Ovlaštenje važi do imenovanja sekretara Skupštine Kantona Sarajevo putem javnog konkursa, a najduže 6 mjeseci.

IV

Ova Odluka stupa na snagu danom donošenja i objaviće se u "Službenim novinama Kantona Sarajevo".

Broj 01-05-11863/17 22. marta 2017. godine Sarajevo	Zamjenik predsjedavajuće Skupštine Kantona Sarajevo Sabahudin Delalić, s. r.
---	---

Na osnovu člana 64. stav 2. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 117. Poslovnika Skupštine Kantona Sarajevo ("Službene novine Kantona Sarajevo", Drugi novi prečišćeni tekst, broj 41/12, 15/13, 47/13, 47/16 i 48/16), Skupština Kantona Sarajevo, na sjednici održanoj dana 28.03.2017. godine, donijela je

ODLUKU

O IMENOVANJU ODBORA ZA ŽALBE JAVNOSTI

I

- U Odbor za žalbe javnosti imenuju se:
- Željko Mijatović, predsjedavajući Odbora
- Nermin Halilagić, član
- Višnja Ljubijankić, član

II

Odbor se imenuje na mandatni period od 4 (četiri) godine.

III

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-12365/17 28. marta 2017. godine Sarajevo	Zamjenik predsjedavajuće Skupštine Kantona Sarajevo Sabahudin Delalić, s. r.
---	---